

SPORAZUM O FORMIRANJU VEĆINE I POLITIČKOM DJELOVANJU U OPĆINSKOM VIJEĆU VELIKA KLADUŠA ZA MANDATNI PERIOD 2024.-2028.

Zaključen između:

- Stranke demokratske akcije (SDA BiH)**
- Socijaldemokratske partije Bosne i Hercegovine (SDP BiH)**
- Narodnog evropskog saveza (NES BiH) i nezavisnog vijećnika Aladina Rizvića (Blok 4)**
- Demokratske narodne zajednice – Krajiške stranke (DNZ-Krajiška stranka)**
- Naše stranke (NS)**
- Naroda i pravde (NiP)**

Velika Kladuša, novembar 2024. godine

Član 1.

Cilj i svrha sporazuma

Ovaj sporazum ima za cilj formiranje stabilne većine u Općinskom vijeću općine Velika Kladuša koja će omogućiti efikasan rad Vijeća i realizaciju zajedničkog programa usmjerenog na dobrobit građana općine Velika Kladuša, kroz podršku prioritetnim projektima, transparentno upravljanje javnim resursima i promicanje razvoja svih aspekata lokalne zajednice. Okupljeni oko cilja da općina Velika Kladuša do kraja mandatnog perioda 2024–2028. godine započne društveno-ekonomski napredak u cilju stvaranja što povoljnijih uvjeta za život građana općine Velika Kladuša, u interesu izgradnje povjerenja između političkih subjekata, saglasni smo da ćemo svoje dalje djelovanje usmjeriti ka ostvarivanju zajedničkih ciljeva.

Član 2.

Osnovni principi djelovanja

Politički subjekti potpisnici ovog sporazuma obavezuju se da će:

1. Djelovati u skladu s principima demokratskog upravljanja, transparentnosti i odgovornosti.
2. Aktivno raditi na unapređenju kvaliteta života građana općine Velika Kladuša kroz projekte održivog razvoja, unapređenja lokalne zajednice, privrede, poljoprivrede, infrastrukture, okoliša, turizma, socijalne politike, kulture, sporta, obrazovanja, zdravstva i dr.
3. Poštovati i uvažavati različitosti među političkim opcijama, te donositi odluke u najboljem interesu svih građana.
4. U cilju efikasnije koordinacije zajedničkih nastupa na sjednicama Općinskog vijeća, prije održavanja usaglasit ćemo sve materijale vezano za sjednicu.
5. Da ćemo do kraja mandatnog perioda djelovati zajednički, usaglašeno i konstruktivno u odnosu na prijedloge koji dolaze od općinskog načelnika.

Član 3.
Zajedničke programske aktivnosti i
prioriteti u mandatnom periodu 2024.-2028.

Potpisnici se obavezuju da će raditi na sljedećim zajedničkim programskim aktivnostima i prioritetima:

- OPĆINSKO VIJEĆE I RADNA TIJELA VIJEĆA**
- URBANISTIČKI RAZVOJ, PLANIRANJE I ORGAN UPRAVE**
- JAVNA PREDUZEĆA I USTANOVE**
- KAPITALNI PROJEKTI**
- EKONOMSKO RAZVOJNI PROJEKTI**
- ZAŠTITA OKOLIŠA**
- TURIZAM**
- POLJOPRIVREDA**
- SOCIJALNA POLITIKA**
- KULTURA**
- SPORT**
- SARADNJA I PARTNERSTVA**

1. OPĆINSKO VIJEĆE I RADNA TIJELA VIJEĆA

1.1. Formirati u skladu sa Poslovníkom o radu Općinskog vijeća i broju mandata stranaka koje čine većinu.

2. URBANISTIČKI RAZVOJ, PLANIRANJE I ORGAN UPRAVE

2.1. Strateški razvojni dokumenti

- Urbanistički razvoj i planiranje predstavljaju ključne aspekte u upravljanju i unapređenju bilo koje općine, a općina Velika Kladuša nije izuzetak. Efikasno urbanističko planiranje ima dubok uticaj na kvalitet života njenih stanovnika, ekonomski razvoj i održivost zajednice. Za Veliku Kladušu dobro urbanističko planiranje nije samo pitanje estetske i funkcionalne organizacije prostora, već ključ za dugoročnu održivost i prosperitet općine. Angažman svih zainteresovanih strana u ovom procesu – od građana do lokalnih vlasti i privrednika – osigurava da naš grad bude mjesto koje će zadovoljiti potrebe trenutne generacije, ali i ostaviti naslijeđe za buduće generacije.

- 2.2. Prostorna planska dokumentacija – razvojna i provedbena
 - Razvojna - prostorni i urbanistički plan grada
 - Provedbena – Regulacioni planovi i urbanistički projekti općine Velika Kladuša
- 2.3. Program Kapitalnih investicija
- 2.4. Kvalitetna normativna akta
 - Provedbena
 - Ostalo
- 2.5. Upravno rješavanje predmeta - zaostali predmeti
 - Interna reorganizacija organa

3. JAVNA PREDUZEĆA I USTANOVE

Za općinu Velika Kladuša pravilno upravljanje javnim preduzećima i unapređenje infrastrukture su od presudnog značaja za kvalitet života građana, ekonomski razvoj i opći prosperitet zajednice. Javna preduzeća koja funkcionišu prema visokim standardima transparentnosti i efikasnosti mogu poboljšati povjerenje građana u lokalnu vlast. Redovna revizija, modernizacija poslovnih procesa i uvođenje novih tehnologija doprinosi većoj odgovornosti i kvalitetnijem pružanju usluga. Za Veliku Kladušu, uspješno upravljanje javnim preduzećima i infrastrukturom nije samo pitanje operativnog funkcioniranja, već ključ za osiguranje dugoročne stabilnosti i prosperiteta zajednice. Kroz strateško planiranje, imenovanje upravljačkih i rukovodnih struktura stručnim osobama u skladu sa propisima možemo stvoriti temelje za bolje sutra i osigurati da naša općina bude mjesto koje pruža kvalitetan život za sve svoje građane.

- 3.1. Revizija poslovanja svih javnih preduzeća bitna je za procjenu njihove efikasnosti i dugoročne održivosti. Kroz detaljnu analizu operativnih troškova, prihoda i usluga, utvrdit ćemo koja preduzeća zahtijevaju reforme ili optimizaciju. Fokusirat ćemo se na poboljšanje poslovnih procesa i implementaciju održivih modela upravljanja kako bismo povećali efikasnost, smanjili troškove i osigurali da svako preduzeće može samostalno funkcionirati na duži period, bez prekomjernog oslanjanja na budžetske subvencije.
- 3.2. Osnivanje novih subjekata:
 - a) Zavod za planiranje
 - b) Turistička zajednica

4. KAPITALNI PROJEKTI

4.1. Projekti u toku realizacije

- a) Projekat kanalizacije i oborinskih voda sa regulacijom rijeke Kladušnice.
- b) Nastavak izgradnje zaobilaznice
- c) Inicirat ćemo proširenje magistralne ceste od GP Maljevac – Velika Kladuša do naselja Križ što bi s dodatnom trakom smanjilo saobraćajne gužve i povećalo sigurnost na cestama. Planiramo inicirati izgradnju kružnih tokova na ključnim lokacijama kao što su TC “Sudo Luka”, nogometno igralište Krajišnik i raskrsnica u naselju Križ, što će dodatno poboljšati protok saobraćaja i sigurnost za sve učesnike u saobraćaju, kao i raskrsnicu u Ulici Zuhdije Žalića.
- d) Inicirati rekonstrukciju Magistralne saobraćajnice Velika Kladuša – Vrnograč – Bužim – Bosanska Otoka.
- e) Inicirati prekategorizaciju lokalnih puteva i cesta u regionalne i magistralne ceste.
- f) Tekuće održavanje puteva riješiti kroz javna preduzeća, a investiciono i novu izgradnju urediti međusobnim dogovorom “općina – građani”.
- g) Javna rasvjeta i ostala elektro infrastruktura.

4.2. Novi projekti

- a) Brza cesta
- b) Konekcija brze ceste i zaobilaznice sa novoizgrađenim mostom prema Graničnom prelazu Maljevac. GP Maljevac - Velika Kladuša je važan granični prelaz između Bosne i Hercegovine i Hrvatske, što ga čini ključnom tačkom za trgovinu, turizam i međudržavne odnose. Granični prelazi GP Maljevac - Velika Kladuša, Zagrad i Plazikur trenutno se suočavaju s infrastrukturnim izazovima koji ograničavaju njihov kapacitet i efikasnost. Naš cilj je inicirati rješavanje ovih problema kroz blisku saradnju sa Vijećem ministara Bosne i Hercegovine i Vladom Republike Hrvatske.
- c) Izgradnja Vatrogasnog doma
- d) Izgradnja Gradske tržnice
- e) Izgradnja podzemnih i nadzemnih garaža
- f) Izgradnja Islamskog centra će biti značajan korak ka unapređenju vjerske i kulturne infrastrukture u Velikoj Kladuši. Kroz saradnju sa Medžlisom Islamske zajednice Velika Kladuša riješit ćemo sve

administrativne prepreke i osigurati izdavanje potrebnih dozvola za izgradnju ovog važnog objekta, koji će služiti ne samo kao mjesto molitve, već i kao centar za zajednicu.

- g) Za bolju sigurnost i efikasniju hitnu intervenciju, potrebno je inicirati izgradnju objekata policijske stanice i vatrogasnog doma. Inicirat ćemo i uspostaviti dobru saradnju sa nadležnim institucijama kako bi se osigurala izgradnja novih i modernih objekata. Time ćemo poboljšati usluge za sve građane Velike Kladuše.
- h) Unapređenje infrastrukture uže gradske jezgre ključ je za revitalizaciju centra grada. Planiramo obnovu i uređenje objekata od Robne kuće do Kružnog toka, od zgrade Općine do stare autobusne stanice i parking prostora kod crkve. Ove intervencije će poboljšati izgled grada, povećati funkcionalnost javnih prostora i doprinijeti boljem kvalitetu života za sve građane.
- i) Brinut ćemo se o uređenju i održavanju gradskog mezarja i groblja Grabež, Drmaljevo i Dubrave. Ove lokacije bit će uređene s poštovanjem prema vjerskoj tradiciji i kulturi.
- j) Izgradnja kružnih tokova urbanog dijela prema ukazanim potrebama.

5. EKONOMSKO RAZVOJNI PROJEKTI

- 5.1. Razvoj industrijske zone je ključan za ekonomski rast i stvaranje radnih mjesta. Planiramo inicirati rješavanje svih administrativnih i infrastrukturnih prepreka koje koče razvoj industrijske zone. Ovo uključuje poboljšanje osnovne infrastrukture, kao što su pristupni putevi, vodovod i energetska mreža. Također ćemo aktivno raditi na privlačenju stranih investitora kroz promociju povoljnih poslovnih uslova i poticaja, čime ćemo stvoriti povoljnu poslovnu klimu i potaknuti ekonomski razvoj.
- 5.2. Revidirati planska dokumenta izgrađenih zona (Polje, Seko i Sanitex)
- 5.3. Formiranje novih poduzetničkih zona na potezu Grupex – Sportska dvorana – Konjički klub – Valionica
- 5.4. U okviru postojećih i novih zona razmotriti modalitete povlastica budućim investitorima (u vidu smanjenja naknade za uređenje zemljišta, rente kao i oslobađanja dijela komunalne naknade)

6. ZAŠTITA OKOLIŠA

- 6.1. Zaštita vodoizvorišnih zona (uraditi planska dokumenta kao i privođenje namjene u skladu sa tim dokumentima)
- 6.2. Strategija rješavanja otpada na području općine Velika Kladuša – glavna gradska deponija (Radića Most) i ostale divlje deponije
- 6.3. Pošumljavanje na području općine Velika Kladuša

7. TURIZAM

- 7.1. Lječilišta, hoteli i bazeni
- 7.2. Stari gradovi, pećina Hukavica i drugi sadržaji
- 7.3. Seoski i gastro turizam

8. POLJOPRIVREDA

- 8.1. Strategija korištenja poljoprivrednih zemljišta
- 8.2. Savjetodavna služba u općini Velika Kladuša
- 8.3. Povećati grant za poljoprivednike
- 8.4. Razvojni projekti u poljoprivredi

9. SOCIJALNA POLITIKA

- 9.1. Poseban program za brigu o licima sa poteškoćama u razvoju.
- 9.2. Efikasnije provođenje socijalnog dijaloga sa svim socijalnim partnerima.

10. KULTURA

- 10.1. Redefinirati status najznačajnijih kulturnih institucija općine Velika Kladuša.

- 10.2. Povećati izdvajanja iz budžeta i usmjeriti ih na jasno definisane programe koji će obezbijediti povećanje produkcije i razvoja najznačajnijih kulturnih institucija na općinskom nivou.
- 10.3. Uraditi registar spomenika kulture od izuzetnog značaja za Općinu Velika Kladuša, registar istaknutih kulturnih stvaralaca i umjetnika, te obezbijediti povoljne uslove za promociju njihovog rada i umjetničkog stvaralaštva.
- 10.4. Uređenje okolice starih gradova- Vrnograč, Todorovo, Podzvizd.

11.SPORT

- 11.1. Podići na viši nivo stanje sportskih objekata (tereni i dvorane za takmičenja, treninge, rekreaciju i modernu atlešku stazu).
- 11.2. Organizacija međunarodnih takmičenja i mitinga sporta u individualnim sportovima i sportskim igrama.
- 11.3. Pružiti veću podršku međunarodnim sportskim mitinzima, čime će se općina predstaviti domaćinski i ostvariti saradnje sa drugim sportskim klubovima. Sa organizacijom sportskih manifestacija međunarodnog karaktera mogu se obezbijediti i sredstva iz različitih međunarodnih fondova.
- 11.4. Podržavati lige i takmičenja u okviru zvaničnih sportskih saveza.
- 11.5. Uraditi strateški plan razvoja vrhunskih sportista radi postizanja vrhunskih rezultata.
- 11.6. Izraditi Strategiju sporta Općine Velika Kladuša uz podršku i financiranje viših nivoa vlasti, u skladu sa Zakonom o sportu FBiH
- 11.7. Kreiranje nagrada i vrednovanja rada kulturnih i sportskih radnika za društveno aktivnu zajednicu.

12.SARADNJA I PARTNERSTVA

Saradnja i partnerstvo predstavljaju osnovu za uspješan i održiv razvoj svake općine, uključujući i općinu Velika Kladuša. Aktivno i konstruktivno sudjelovanje različitih aktera, kao što su lokalne vlasti, privrednici, nevladine organizacije, kantonalne, federalne i državne vlasti i građani, ključno je za ostvarivanje zajedničkih ciljeva i unapređenje kvalitete života u zajednici. Kroz efikasno korištenje resursa, razvoj inovativnih rješenja, poboljšanje kvalitete usluga, povećanje transparentnosti i odgovornosti, postizanje održivog razvoja, jačanje lokalnog ekonomskog razvoja i rješavanje kompleksnih problema, saradnja doprinosi boljitku cijele zajednice. Aktivno uključivanje svih aktera u procese planiranja i implementacije projekata

osigurava da općina Velika Kladuša postane mjesto gdje se kvaliteta života kontinuirano poboljšava.

Član 4.

Organizacija rada i komunikacije

1. Politički subjekti potpisnici sporazuma obavezuju se da će najmanje jednom mjesečno održavati sastanke radi razmatranja aktivnosti i zajedničkih ciljeva.
2. Za sva strateška pitanja ili promjene u sporazumu obavezno je prethodno dogovaranje i usaglašavanje između svih potpisnika.
3. Između sjednica Općinskog vijeća, imenovat će se koordinacijsko tijelo koje će se sastojati od po jednog predstavnika svakog političkog subjekta, a koje će biti zaduženo za koordinaciju predloženih odluka.

Član 5.

Razrješavanje sporova

U slučaju nesuglasica ili sporova oko bilo kojeg pitanja, politički subjekti potpisnici sporazuma obavezuju se na rješavanje kroz dijalog, posredovanje i dogovor, u cilju očuvanja stabilnosti većine u Općinskom vijeću Velika Kladuša.

Član 6.

Trajanje sporazuma

Ovaj sporazum stupa na snagu danom potpisivanja i važi za cijeli mandatni period Općinskog vijeća Velika Kladuša od 2024. do 2028. godine, uz mogućnost produženja ili izmjena i dopuna koje će biti usaglašene među potpisnicima.

Član 7.
Završne odredbe


1. Modalitet i princip raspodjele predstavničkog organa vlasti, izmjene i dopune ovog sporazuma bit će važeće samo ako ih potpišu svi politički subjekti koji su učestvovali u njegovom zaključivanju.

2. Ovaj Sporazum je sačinjen u 6 (šest) istovjetnih primjeraka, od kojih svaki politički subjekt koji je učestvovao u njegovom potpisivanju zadržava po 1 (jedan) primjerak.


Potpisnici ovog Sporazuma potvrđuju svoju posvećenost zajedničkom djelovanju za dobrobit općine Velika Kladuša i njenih građana.

POTPISNICI:

1. SDA




2. SDP



3. Blok 4




4. DNZ-Krajiška stranka



5. NS



6. NiP



U Velikoj Kladuši, 13. 11. 2024. godine